

JAVNO PREDUZEĆE „VODOVOD I KANALIZACIJA“ d.o.o. LUKAVAC
Partizanski put bb, 75300 LUKAVAC, u prostorijama JP „RAD“ d.o.o. LUKAVAC
Općinski sud u Tuzli, broj: 032-0-Reg-23-000809
Identifikacioni broj: 4210459420001
Broj računa: 1340011120770086 ASA Banka d.d. Sarajevo
E-mail: vik.lukavac@gmail.com

Broj: 02-20/24
Lukavac, 16.01.2024. godine

Na osnovu Statuta Javnog preduzeća „Vodovod i kanalizacija“ d.o.o. Lukavac broj: 1/21 od 02.08.2021. godine i Izmjena Statuta Javnog preduzeća „Vodovod i kanalizacija“ d.o.o. Lukavac, broj: 01-1-85/22 od 22.07.2022. godine, Odluke Gradskog vijeća Grad Lukavac o izmjenama i dopunama odluke o načinu organizovanja poslova u vršenju komunalnih djelatnost broj: 01-02-3474/23 od 28.12.2023. godine, Odluke Nadzornog odbora JP „Vodovod i kanalizacija“ d.o.o. Lukavac o davanju saglasnosti za poništenje Javnog oglasa za prijema radnika u radni odnos na neodređeno vrijeme broj 01-2-12/24 od dana 10.01.2024. godine, direktor donosi:

ODLUKU o poništenju Javnog oglasa

Član 1.

Ovom odlukom poništava se Javni oglas za prijem radnika u radni odnos na neodređeno vrijeme broj 02-27/23 od dana 08.03.2023. godine, objavljen dana 09.03.2023. godine u Večernjem listu, web stranici Grada Lukavac i web stranici JU „Služba za zapošljavanje“ TK.

Član 2.

Poništenje se odnosi na sljedeće raspisane pozicije.

- | | |
|---|-------------|
| 1. Stručni saradnik za planiranje i analizu | 1 izvršilac |
| 2. Stručni saradnik za pravne poslove | 1 izvršilac |
| 3. Rukovodilac sektora za operativno - tehničke poslove | 1 izvršilac |
| 4. Poslovođa vodovoda i kanalizacije | 1 izvršilac |
| 5. Vodoinstalater | 6 izvršioca |
| 6. Rukovaoc rezervoara pitke vode | 5 izvršioca |
| 7. Vozač specijalnog komunalnog vozila | 1 izvršilac |
| 8. Tehničar za mjerenje i ispitivanje vodovodnih instalacija | 2 izvršioca |
| 9. Tehničar za daljinsko praćenje gubitaka u vodovodnom sistemu | 1 izvršilac |

Član 3.

Pozicije iz člana 2. se poništavaju jer nisu stečeni tehnički i finansijski uslovi za prijem uposlenika u JP „Vodovod i kanalizacija“ d.o.o. Lukavac.

Član 4.

Odluka o poništenju Javnog oglasa objavit će se u Večernjem listu, na web stranici Grada Lukavac i web stranici JU „Služba za zapošljavanje“ TK.

Član 5.


Ova Odluka stupa na snagu danom donošenja.

OBRAZLOŽENJE:

Gradsko vijeće Grada Lukavac je na svojoj 23. Redovnoj sjednici održanoj dana 25.12.2023. godine donijelo Odluku o izmjenama i dopunama odluke o načinu organizovanja poslova u vršenju komunalnih djelatnosti broj: 01-02-3474/23 od 28.12.2023. godine, objavljenoj u *Službenom glasniku Grada Lukavac broj 15/23* dana 29.12.2023. godine, gdje se JP „Vodovod i kanalizacije“ d.o.o. Lukavac oduzima komunalna djelatnosti snabdijevanje pitkom vodom putem gradskog vodovodnog sistema i odvođenje i prečišćavanje otpadnih i odvođenje oborinskih voda putem gradskog kanalizacionog sistema, a povjerava aktivnost na izgradnji postrojenja za pripremu sirove i tretman pitke vode na području grada Lukavac.

Između ostalog JP „Vodovod i kanalizacija“ d.o.o. Lukavac trenutno ne može da obezbijedi kupovinu/nabavku resursa pitke vode, odnosno ne može da prihvati prijedlog Ugovora za nabavku vode od trenutnog Prodavca, jer uslovi iz predmetnog Ugovora nisu prihvatljivi za JP „Vodovod i kanalizacija“ d.o.o. Lukavac, sa aspekta obaveza Prodavca vode, odnosno u prijedlogu Ugovora Prodavac ne prihvata obavezu o redovnoj kontroli (analizi) vode od strane akreditovane laboratorije u skladu sa Pravilnikom o zdravstvenoj ispravnosti vode za piće („Službeni glasnik BiH, broj: 40/10, 43/10, 30/12 i 62/17), posebno osvrćući se na Aneks II, DIO B, te da će izvještaji o gore spomenutim kontrolama (analizama) biti dostavljani JP „Vodovod i kanalizacija“ d.o.o. Lukavac.

Shodno svemu navedenom nisu stečeni tehnički i finansijski uslovi za prijem uposlenika u radni odnos na neodređeno vrijeme po raspisanom *Javnom oglasu za prijem radnika u radni odnos na neodređeno vrijeme u JP „Vodovod i kanalizacija“ d.o.o. Lukavac broj 02/27/23 od 08.03.2023. godine*, jer JP „Vodovod i kanalizacija“ d.o.o. Lukavac neće biti u mogućnosti da obavlja komunalnu djelatnost snabdijevanje pitkom vodom putem gradskog vodovodnog sistema i odvođenje i prečišćavanje otpadnih i odvođenje oborinskih voda putem gradskog kanalizacionog sistema.



DIREKTOR

Eldar Čajić, magistar geologije

Dostaviti:

1. Večernji list BiH
2. Web stranica Grad Lukavac
3. Web stranica JU „Služba za zapošljavanje“ TK
4. Komisija za sprovođenje Javnog konkursa
5. Evidencija;
6. a/a.